
PRÆFATIO.

OCCASIO, UTILITAS, LIBERTAS,
ET
ORDO SCRIBENDI.

*P*ostquam in eminentissimi Cardinalis-Archiepiscopi mechliniensis nuperam de Doctorum Lovaniensium Sententiis Declarationem incidissem, eamque legendo evolverem, mentem subiit Cogitatio, Bonnensium Doctrinam similem simili subigi posse Examini, Arridebat mihi ille mentis Conceptus, tum quod intelligerem, Partum hunc Bonorum nemini displicere posse, tum & ingentis fore utilitatis in studiosam sub iis Juventutem

A redun-

redundaturæ; quippe quæ in apertam sentiendi, agendive Corruptelam sensim ducetur, nisi tandem aliquis offerret sese, qui incautam moneret, ostenderetque Ervoris Magistros, quos Cane angvêque pejores Caveat.

Animos mihi addidit summa, quâ fruor in Julia montiumque Ditionibus, Libertas; exulat hic panicus scribendi, imprimendique Metus, qui Athenas Colonienses in torporem planè non ferendum abegit; nescimus nos Calamorum hebetudines, labiorum Compressiones, lingue Vincula, Veritatis Carceres, aut Literarii illum genus Despotismi; gens maximè libera sumus: Atque ejusmodi regimur Principe, sub quo palam mutire plebejo piaculum non est. Veritatem, Defensores Religionis ipse ejusdem Defensor, Vindices Disciplinæ Vindex ipse, Osos Novitatum ipse earundem Osor maximus amat, alit, Colit. Quo sub Maximo Principe quis demum erit, quem metuam?

Hed-

Hedderichius, Spirzius, Weimerus,
Froitzheimiusque fuat, nullo discrimine
habebo.

Rem itaque ut ordine prosequar, *Quæ-
stiones eminentissimi Card. Archiepiscopi
Mechliniensis Bonnensibus Doctoribus pro-
ponam easdem, iis suas dein singulorum Re-
sponsiones ex editis hætenus à se aut Thesibus,
aut Dissertationibus, aliisque opusculis ad-
scripturus. Quâ quidem ratione palam
fore Confido, ovum ovo non posse similius
esse, quàm Lovanio Bonnam: tandemque
aliquando Ipsum Archiepiscopum Colon. in-
tellecturum, quàm turpiter iis à Viris hæ-
tenus deceptus, lusûsque fuerit, quàm nulli
suæ Ecclesiæ bono, sed maximo Clevi Detri-
mento suam ibi Academiam erexerit, quàm
perperam & contra omnium bonorum sen-
tentiam exactos à Religiosis Nummos illuc
effundat, quàm demum necesse sit, saniora
captare Consilia, commissos hætenus emen-*

*dare Errores, & Juventuti aut meliores
providere Professores, aut eandem ad alios
inculpatæ Doctrinæ Magistros Coloniam di-
mittere. Faxit Deus Malo finem!*
